

BOSNIA AND HERZEGOVINA  
FEDERATION OF BOSNIA AND HERZEGOVINA  
GOVERNMENT

Broj: 03/05-02-1099/2013  
Sarajevo, 25.12.2013. godine

PARLAMENT FEDERACIJE  
BOSNE I HERCEGOVINE

Predstavnički dom  
gosp. Fehim Škaljić, predsjedavajući

Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI - ZASTUPNIČKI DOM  
SARAJEVO

PRIMLJENO: 26-12-2013				
Organiz. jedinica	Klasif. grupa	Broj i godina	Vrijednost	Priloga
01	-02	-1276	/13	2x

30-12-2013 150X

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV. B. 7. C) (III) Ustava Federacije BiH, a u vezi sa članom 179. stav 2. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07 i 2/08), u prilogu Vam dostavljam **Mišljenje Vlade Federacije Bosne i Hercegovine o Prijedlogu zakona o dopuni Zakona o penzijskom i invalidskom osiguranju - skraćeni postupak, koji je u parlamentarnu proceduru uputio Jaskenko Selimović, poslanik u Predstavničkom domu Parlamenta Federacije Bosne i Hercegovine.**

Gore navedeno Mišljenje Vlada Federacije Bosne i Hercegovine je utvrdila na 92. sjednici, održanoj 24.12.2013. godine.

Bosna i Hercegovina

S poštovanjem

FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
SARAJEVO

31-03-2014	
Org. jed.	Vrijednost
01-02-1276/13	10x



Co: Dom naroda  
gosp. Tomislav Martinović, predsjedavajući

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - ("Službene novine Federacije BiH", broj 6/10, 37/10 i 62/10), u skladu sa članom 165. stav 3., a u vezi sa članom 179. stav 2. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07 i 2/08), nakon razmatranja Prijedloga zakona o dopuni Zakona o penzijskom i invalidskom osiguranju - skraćeni postupak, koji je u parlamentarnu proceduru uputio Jasenko Selimović, poslanik u Predstavničkom domu Parlamenta Federacije Bosne i Hercegovine, Vlada Federacije Bosne i Hercegovine je na 92. sjednici održanoj 24.12.2013. godine, utvrdila sljedeće:

## MIŠLJENJE

Vlada Federacije Bosne i Hercegovine smatra, da nije prihvatljiv Prijedlog zakona o dopuni Zakona o penzijskom i invalidskom osiguranju - skraćeni postupak, koji je u parlamentarnu proceduru uputio Jasenko Selimović, poslanik u Predstavničkom domu Parlamenta Federacije Bosne i Hercegovine.

Navedenim Prijedlogom zakona predviđena je dopuna Zakona o penzijskom i invalidskom osiguranju, na način, da se iza člana 62. Zakona o penzijskom i invalidskom osiguranju („Službene novine Federacije BiH”, br. 29/98, 49/00, 32/01, 73/05, 59/06, 4/09 i 55/12), doda novi član 62.a., koji glasi: „Udovica stiče i zadržava pravo na porodičnu penziju bez obzira na godine života, ako je smrt bračnog druga nastala kao posljedica povrede na ratnom zadatku kao pripadnika Armije BiH, odnosno Hrvatskog vijeća obrane i organa unutrašnjih poslova u periodu od 18.09.1991. do 22.12.1995. godine.”, i da za sprovođenje ovoga zakona, nije potrebno osigurati dodatna finansijska sredstva u Budžetu Federacije Bosne i Hercegovine.

Vlada Federacije smatra, da predložena dopuna zakona nije prihvatljiva, iz sljedećih razloga:

Polazeći od važećeg pravnog okvira penzijskog i invalidskog osiguranja u Federaciji Bosne i Hercegovine, Vlada Federacije Bosne i Hercegovine smatra navedeni Prijedlog suprotnim sistemu penzijskog i invalidskog osiguranja u Federaciji Bosne i Hercegovine, koji je zasnovan na obaveznom osiguranju po osnovu rada i uplaćenim doprinosima i finansiranju prava u dijelu ili u cjelini iz sredstava Budžeta Federacije, Budžeta Bosne i Hercegovine i dr. izvora, kako je to određenim propisima uređeno.

Također smatra, da Prijedlog nije u skladu sa restriktivnim reformskim pravcem utvrđenim u Strategiji reforme penzijskog i invalidskog osiguranja, između ostalog i za porodične penzije.

Također, Vlada Federacije Bosne i Hercegovine smatra, da nije opravdano prihvatiti predloženi zakon, kojim će se urediti dodatna prava, koja bi pala na teret sredstava doprinosa penzijskog i invalidskog osiguranja.

Vlada Federacije Bosne i Hercegovine uvažava razloge iznesene u predmetnom Prijedlogu zakona, ali put rješavanja vidi kroz uređivanje ovog pitanja u domenu socijalne zaštite, a ne penzijskog i invalidskog osiguranja, tj. prava proisteklih po osnovu rada i uplaćenih doprinosa za penzijsko i invalidsko osiguranje, što je osnov sistema obaveznog penzijskog i invalidskog osiguranja. Prihvatanje predmetnog Prijedloga, predstavljalo bi narušavanje sistema penzijskog i invalidskog osiguranja.

V. broj: 1542/2013  
24.12.2013. godine  
Sarajevo

